

# SLUŽBENI GLASNIK

## OPĆINE GORNJI VAKUF – USKOPLJE

Godina II , broj 3

26. 06. 2002.

Bosanski jezik

**58.** Na osnovu člana 38. tačka 2. Statuta općine Gornji Vakuf-Uskoplje i člana 23. Poslovnika o radu Prijelaznog općinskog vijeća Gornji Vakuf – Uskoplje (" Sl. glasnik općine Gornji Vakuf – Uskoplje " br. 1/01 ), Prijelazno općinsko vijeće na svojoj 5. sjednici održanoj dana 30.05.2002. godine, donijelo je;

### **ODLUKU** **o ratifikaciji Sporazuma o ujedinjenju** **komunalnih djelatnosti u Gornjem Vakufu -** **Uskoplju**

#### I

Ratificira se Sporazum o ujedinjenju komunalnih djelatnosti u Gornjem Vakufu – Uskoplju, potpisan 21. 05. 2002.godine u Gornjem Vakufu – Uskoplju koji je sastavni dio ove Odluke.

#### II

Ova Odluka stupa na snagu osmog dana od dana objavljivanja u " Sl. glasniku općine Gornji Vakuf – Uskoplje ".

Broj:01-05-100/02  
Datum,30.05.2002.god.

PREDSJEDAVALA  
PRIJELAZNOG OPĆINSKOG VIJEĆA  
Nikola Milić,s.r.

### **59. SPORAZUM** **o ujedinjenju komunalnih djelatnosti u Gornjem** **Vakufu – Uskoplju**

#### **Član 1.**

Ovaj Sporazum regulira ujedinjenje komunalnih djelatnosti na području općine Gornji Vakuf – Uskoplje.

#### **Član 2.**

Strane se slažu da se Javno komunalno preduzeće "Izvor" (u daljem tekstu JKP "Izvor") i Javno preduzeće "Komunalno" (u daljem tekstu JP "Komunalno") udruže u jedinstveno Javno komunalno preduzeće "Vrbas" (u daljem tekstu JKP "Vrbas"), te time ispune uslove shodno članu 6 Sporazuma o općini Gornji Vakuf – Uskoplje i članu 11 Odluke Visokog Predstavnik a o općini Gornji Vakuf – Uskoplje.

#### **Član 3.**

Strane se slažu da direktori sadašnjih preduzeća, u roku od sedam dana od potpisivanja Sporazuma, predlože Komisiji i Supervizoru za općinu Gornji Vakuf –

Uskoplje, plan sistematizacije radnih mjesta u JKP "Vrbas". Osnova za ukupan broj uposlenih je popis stanovništva iz 1991. Ukupan broj uposlenih ne može biti veći od 42 (17 Hrvata i 25 Bošnjaka).

Usaglašeni plan sistematizacije je Aneks I ovog Sporazuma.

#### **Član 4**

JP "Komunalno" trenutno posluje preko žiro računa otvorenog u Zagrebačkoj banci d.d. Mostar, dok JKP "Izvor" posluje preko žiro računa otvorenog u Privrednoj banci Sarajevo.

Ukoliko se direktor i tehnički direktor ne uspiju usaglasiti u odabiru poslovne banke, odluka Supervizora po ovom pitanju će biti obavezujuća.

Direktor i tehnički direktor će supotpisivati sve izdatke preduzeća.

#### **Član 5.**

Strane se slažu da mašine koji trenutno pripadaju JP "Komunalno" i JKP "Izvor" budu smještene na način koji najviše odgovara poslovanju JKP "Vrbas". Direktor i tehnički direktor će donjeti odluku po ovom pitanju.

#### **Član 6.**

Strane se slažu da zajednička administracija bude smještena na lokaciji Bililo (sadašnje sjedište JKP "Izvor").

#### **Član 7.**

Strane podržavaju sveukupan politički proces u Gornjem Vakufu – Uskoplju i iz tog razloga su suglasne da direktor i tehnički direktor ne mogu biti iz iste etničke skupine. Shodno međustranačkom dogovoru, koji je Aneks II ovog Sporazuma, dogovoreno je da prvi direktor JKP "Vrbas" bude Hrvat u mandatnom periodu reguliranom Statutom preduzeća, ili u trajanju do slijedećih općinskih izbora.

#### **Član 8**

Strane se slažu da će Upravni odbor budućeg zajedničkog komunalnog preduzeća imati 5 članova (2 Bošnjaka, 2 Hrvata i predsjednika Upravnog odbora). Predsjednik Upravnog odbora i direktor JKP ne mogu biti iz iste etničke skupine.

Novi Statut preduzeća će propisati da će sve odluke Upravnog odbora biti smatrane važećim samo ukoliko budu donesene prostom većinom uključujući bar jedan glas iz svake etničke skupine.

## Član 9.

Strane se slažu da u zajedničko JKP prenesu kapital, i to

- JP "Komunalno" 576.842,00 KM
- JKP "Izvor" 641.604,00 KM

## Član 10.

Strane se slažu da u zajedničko JKP prenesu obaveze ranija dva preduzeća, i to u omjeru 57 ("Izvor") : 43 ("Komunalno").

Strane moraju izmiriti obaveze prema doprinosima uposlenih i ostale obaveze ("A" i "C" prema tabeli) do 01.08. 2002. Strana sa manjim obavezama može, ukoliko bude potrebe, na navedeni datum uzeti zajam kako bi izjednačila obaveze, te time omogućiti isplatu bunusa onoj strani čije obaveze budu manje. Zajmovi uzeti u ovu svrhu će biti otplaćivani sa zajedničkog računa.

Obaveze na 1. aprila bile su:

	Opis	JP "Komunalno"	JKP "Izvor"
A	Obaveze prema doprinosima uposlenih	20.264,00 KM	0 KM
B	Dugoročni krediti	75.460,00 KM	186.000,00 KM
C	Ostale obaveze	33.463,90 KM	18.500,00 KM
	Ukupno	129.187,90 KM	204.500,00 KM

## Član 11.

Sporazum se smatra valjanim nakon potpisivanja od strane svih članova komisije i Supervizora za općinu Gornji Vakuf – Uskoplje, gospodina Bernd Burwiza.

## Član 12.

Sporazum stupa na snagu nakon ratificiranja od strane Prijelaznog općinskog vijeća općine Gornji Vakuf – Uskoplje.

## Član 13.

Ukoliko se postavi pitanje tumačenja Sporazuma ili njegovih aneksa, Strane se slažu da će tekst na engleskom jeziku biti važeći.

Gornji Vakuf – Uskoplje, 21. 05. 2002. godine.

Zrinko Tokić, Predsjednik komisije

Dževad Agić, Zamjenik predsjednika komisije

Salih Muftić, član komisije

Mato Mlakić, član komisije

Bernd Burwitz, Supervizor za općinu  
Gornji Vakuf – Uskoplje

.....

60. Na osnovu člana 27. tačka f. Zakona o lokalnoj samoupravi ("Službene novine Srednjobosanskog kantona broj 1/98), člana 4. Zakona o komunalnim djelatnostima ("Službeni list SR BiH", broj 20/90) te člana 38. tačka 2. i 6. (Statuta općine Gornji Vakuf – Uskoplje, ("Sl. glasnik općine Gornji Vakuf – Uskoplje broj 1/01) Prijelazno općinsko vijeće općine Gornji Vakuf – Uskoplje na svojoj 5. sjednici održanoj dana 30. maja 2002. godine donosi :

## O D L U K U

### o osnivanju Javnog komunalnog preduzeća "Vrbas" Gornji Vakuf - Uskoplje

## I OSNOVNE ODREDBE

### Član 1.

Osnivač Općinsko vijeće općine Gornji Vakuf – Uskoplje ( u daljem tekstu «Osnivač») ovom Odlukom osniva Javno komunalno preduzeće «Vrbas» u Gornjem Vakufu – Uskoplju, (u daljem tekstu "Preduzeće").

### Član 2.

Ovom Odlukom utvrđuju se :

- Naziv i sjedište Preduzeća,
- Osnivač Preduzeća,
- Djelatnost kojom će se Preduzeće baviti,
- Uslovi
- Način formiranja cijena proizvoda i usluga,
- Zastupanje i predstavljanje,
- Upravni odbor,
- Prava i obaveze osnivača u upravljanju Preduzećem,
- Imovina Preduzeća,
- Prijelazne i završne odredbe.

### Član 3.

Preduzeće se osniva na neodređeno vrijeme.

## NAZIV I SJEDIŠTE PREDUZEĆA

### Član 4.

Puni naziv Preduzeća je : Javno komunalno preduzeće «Vrbas» sa sjedištem u Gornjem Vakufu – Uskoplju. Skraćeni naziv Preduzeća je JKP «Vrbas» Gornji Vakuf – Uskoplje.

### Član 5.

Strane se slažu da mašine koje trenutno pripadaju JP "Komunalno" i JKP "Izvor" budu smještene na način koji najviše odgovara poslovanju JKP "Vrbas" . Direktor i tehnički direktor će donijeti odluku po ovom pitanju .

## OSNIVAČ PREDUZEĆA – PRAVA I DUŽNOSTI

### Član 6.

Javno komunalno preduzeće "Vrbas" je pravni slijednik Javnog komunalnog preduzeća "Izvor" iz Gornjeg Vakufa – Uskoplja i Javnog preduzeća "Komunalno" iz Gornjeg Vakufa – Uskoplja.

## Član 7.

Osnivač Preduzeća je Općinsko vijeće općine Gornji Vakuf – Uskoplje.

## Član 8.

Poduzeće se upisuje u Registar poduzeća kod nadležnog suda, čime stječe svojstvo pravne osobe, te potpunu pravnu i poslovnu sposobnost.

## DJELATNOST KOJOM ĆE SE PREDUZEĆE BAVITI

### Član 9.

Komunalna djelatnost :

- Opskrba pitkom vodom,
- Odvodnja i prečišćavanje otpadnih voda, održavanje kanalizacione mreže,
- Održavanje čistoće ulica i javnih površina u gradu,
- Gospodarenje odlagalištima komunalnog otpada,
- Izvođenje radova na izgradnji i sanaciji vodovodne i kanalizacione mreže na području općine Gornji Vakuf Uskoplje,
- Održavanjem lokalnih cesta u zimskom periodu,
- Izvođenje radova u oblasti niskogradnje,
- Održavanje pijaca,
- Obavljanje pogrebnih poslova,
- Obavljanje dimnjačarskih poslova.

### Član 10.

Djelatnost kojim će se Preduzeće baviti u vanjsko – trgovačkom prometu su :

- Nabavka i uvoz potrebnih mašina za proizvodnju i distribuciju vode, pročišćavanje i odvodnju otpadnih voda,
- Nabavka i uvoz mašina za izradu i popravku kanalizacione mreže,
- Nabavka i uvoz opreme za obavljanje dimnjačarskih poslova,
- nabavka i uvoz pogrebne opreme.

## USLOVI

### Član 11.

Preduzeće će obavljati djelatnosti propisane ovom Odlukom :

- pod uslovom i na način utvrđen Odlukom Općinskog vijeća općine Gornji Vakuf-Uskoplje,
- Preduzeće obavlja djelatnost u mirnodopskim i ratnim uslovima.

## NAČIN FORMIRANJA CIJENA PROIZVODA I USLUGA

### Član 12.

Preduzeće donosi prijedlog cijena proizvoda i usluga. Osnivač razmatra, preispituje prijedlog cijena proizvoda i usluga i Odlukom utvrđuje konačnu cijenu proizvoda i usluga, a sve to shodno pozitivnim propisima.

## ZASTUPANJE I PREDSTAVLJANJE

### Član 13.

U pravnom prometu sa trećim licima preduzeće posluje bez ograničenja.

### Član 14.

Preduzeće zastupa i predstavlja Direktor Preduzeća.

### Član 15.

Direktor i Tehnički direktor će supotpisivati sve izdatke Preduzeća.

### Član 16.

Direktor Preduzeća ima slijedeća ovlaštenja :

- da organizira i rukovodi procesom rada i poslovanja,
- da zastupa i predstavlja Preduzeće prema trećim licima,
- da odgovora za zakonitost rada Preduzeća,
- da podnosi izvještaj o rezultatima poslovanja Preduzeća,
- da u prvom stepenu odlučuje o disciplinskoj i materijalnoj odgovornosti službenika za povrede radne obaveze,
- da donosi odluke i Rješenja o plaćenim i naplaćenim odsustvima djelatnika sa posla do 30 dana.

## UPRAVNI ODBOR

### Član 17.

Radom Preduzeća upravlja Upravni odbor kojeg imenuje i razrješava Osnivač Preduzeća.

Upravni odbor broji 5 (pet) članova ( 2 Hrvata i 2 Bošnjaka) i Predsjednika Upravnog odbora. Predsjednik Upravnog odbora i Direktor Preduzeća ne mogu biti iz iste etničke skupine.

Upravni odbor bira se na vrijeme od 4 godine.

### Član 18.

Sve odluke Upravnog odbora smatrat će se važećim ukoliko budu donesene prostom većinom glasova uključujući bar jedan glas iz svake etničke skupine.

### Član 19.

Upravni odbor dužan je da :

- Imenuje direktora preduzeća na osnovu javnog konkursa ,a imenovanje potvrđuje Općinsko vijeće.
- vrši nadzor nad poslovanjem Preduzeća pregledom završnog računa i pregledom dobiti,
- o rezultatima nadzora u pismenom obliku izvještava zaposlenike Preduzeća i Osnivača, ukazujući na eventualne propuste u radu.

## PRAVA I OBAVEZE OSNIVAČA U UPRAVLJANJU PREDUZEĆEM

### Član 20.

Osnivač Preduzeća ima prava i ovlaštenja :

- da vrši nadzor i uvid nad obavljanjem djelatnosti utvrđenih ovom Odlukom,
- da zatraži izvještaj o radu i poslovanju Preduzeća,
- da preispita prijedlog cijena proizvoda i usluga i da saglasnost na njihovu primjenu – odnosno da donese odluku o cijenama proizvoda i usluga,
- da imenuje i razrješava direktora Preduzeća,
- da imenuje i razrješava članove Upravnog odbora i predsjednika upravnog odbora.

#### Član 21.

Obaveze Osnivača su :

- da prati stanje komunalne djelatnosti na području općine Gornji Vakuf – Uskoplje,
- da propiše komunalni red i mjere za sprovođenje komunalne djelatnosti,
- da vrši nadzor nad sprovođenjem komunalnog rada i i poštivanja propisa donesenih na osnovu Zakona,
- da preko stambeno-komunalnog inspektora vrši poslove inspekcije iz te oblasti,
- usmjerava rad komunalne službe.

#### IMOVINA PREDUZEĆA

##### Član 22.

Imovinu Preduzeća sačinjava pokretna i nepokretna imovina čija ukupna vrijednost iznosi 1.218.446,00 KM.

##### Član 23.

Za obaveze u pravnom prometu sa trećim licima Preduzeće odgovara svom svojom imovinom.

#### PRIJELAZNE I ZAVRŠEN ODREDBE

##### Član 24.

Unutrašnje ustrojstvo Preduzeća usklađuje se sa Zakonom, Sporazumom o ujedinjenju komunalnih djelatnosti u Gornjem Vakufu – Uskoplju, ovom Odlukom i drugim aktima o unutrašnjem ustrojstvu Preduzeća.

##### Član 25.

Preduzeće može donositi opće akte kojim pobliže uređuju odnose u oblasti svog rada i poslovanja. Opći akti se odnose kad je to obaveza po Zakonu.

Opće akte donose djelatnici Preduzeća.

##### Član 26.

JKP " Izvor " i JKP " Komunalno " Gornji Vakuf – Uskoplje prestat će postojati sa 1.08.2002.godine.

##### Član 27.

Prava, obaveze i odgovornosti iz ove Odluke Osnivač preuzima danom donošenja.

#### Član 28.

Ova Odluka stupa na snagu danom objavljivanja u Službenom glasniku općine Gornji Vakuf Uskoplje.

Broj : 01-05-101/02

Dana, 30. 05. 2002. god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

61. Na osnovu člana 111. Statuta općine Gornji Vakuf-Uskoplje (" Sl. glasnik općine Gornji Vakuf – Uskoplje ", br. 1/01), te člana 31. Poslovnika o radu Prijelaznog općinskog vijeća ("Sl. glasnik općine Gornji Vakuf – Uskoplje ", br. 1/01), Prijelazno općinsko vijeće Gornji Vakuf – Uskoplje na svojoj 5. sjednici održanoj dana 30. 05. 2002. godine, donijelo je;

#### RJEŠENJE o imenovanju Upravnog odbora JKP"Vrbas" Gornji Vakuf-Uskoplje

I

U Upravni odbor JKP " Vrbas" Gornji Vakuf – Uskoplje imenuju se:

- |                     |             |
|---------------------|-------------|
| 1. Abdulah Burek,   | predsjednik |
| 2. Stipo Zečić ,    | član        |
| 3. Enes Kurbegović, | član        |
| 4. Domagoj Barnjak, | član        |
| 5. Muhamed Bešić,   | član        |

II

Rješenje stupa na snagu danom objave u " Službenom glasniku općine Gornji Vakuf – Uskoplje ".

Broj: 01-05-102/02

Datum, 30. 05. 2002.god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

62. Na osnovu člana 111. Statuta općine Gornji Vakuf-Uskoplje (" Sl. glasnik općine Gornji Vakuf – Uskoplje ", br. 1/01), te člana 31. Poslovnika o radu Prijelaznog općinskog vijeća ("Sl. glasnik općine Gornji Vakuf – Uskoplje ", br. 1/01), Prijelazno općinsko vijeće Gornji Vakuf – Uskoplje na svojoj 5. sjednici održanoj dana 30. 05. 2002. godine, donijelo je;

#### RJEŠENJE o imenovanju VD direktora JKP"Vrbas" Gornji Vakuf-Uskoplje

I

Za vršioca dužnosti direktora JKP " Vrbas" Gornji Vakuf – Uskoplje imenuje se:

- Gosp. Mlakić Mato iz Gornjeg Vakufa - Uskoplja

## II

Rješenje stupa na snagu danom objave u " Službenom glasniku općine Gornji Vakuf – Uskoplje ".

Broj: 01-05-103/02

Datum, 30. 05. 2002.god.

PREDSJEDAVALA  
PRIJELAZNOG OPĆINSKOG VIJEĆA  
Nikola Milić,s.r.

.....  
**63.** Na osnovu člana 111. stav 3. Statuta općine Gornji Vakuf – Uskoplje ( " Sl. glasnik općine Gornji Vakuf – Uskoplje ", br. 1/01 ) i člana 30. Poslovnika o radu Prijelaznog općinskog vijeća Gornji Vakuf – Uskoplje ( " Sl. glasnik općine Gornji Vakuf – Uskoplje " br. 1/01 ) Prijelazno općinsko vijeće na svojoj 5. sjednici održanoj dana 30.05.2002. godine, donijelo je :

### ZAKLJUČAK

#### **o Informaciji o izvršenju Budžeta općine Gornji Vakuf-Uskoplje za period 1-3.2002.godine**

1. Prihvata se Informacija o izvršenju Budžeta općine Gornji Vakuf – Uskoplje za period januar – mart 2002.godine.
2. Zadužuje se Općinski načelnik, Zamjenik načelnika i Služba za privredu i finansije da izdatke za materijalne troškove organa uprave prilagode mogućnostima Budžeta općine Gornji Vakuf – Uskoplje.
3. Zaključak stupa na snagu danom objavljivanja u " Sl. glasniku općine Gornji Vakuf – Uskoplje ".

Broj: 01-05-105/02

Datum, 30.05. 2002. god.

PREDSJEDAVALA  
PRIJELAZNOG OPĆINSKOG VIJEĆA  
Nikola Milić,s.r.

.....  
**64.** Na osnovu člana 130. Zakona o radnim odnosima i plaćama službenika organa uprave u Federaciji Bosne i Hercegovine («Službene novine F BiH», br. 13/98), i člana 21. Zakona o radnim odnosima i plaćama službenika u organima uprave Srednjobosanskog kantona («Službene novine SBK», br. 7/00) i člana 38. stav 2. Statuta općine Gornji Vakuf-Uskoplje («Službeni glasnik općine Gornji Vakuf-Uskoplje», br.1/01), Općinsko prijelazno vijeće općine Gornji Vakuf-Uskoplje na svojoj 5. sjednici održanoj dana 30.05.2002.godine, donosi :

### ODLUKA

#### **o izmjeni i dopuni odluke o utvrđivanju osnovnice za obračun plaća općinskih dužnosnika, službenika i namještenika u službama općine Gornji Vakuf - Uskoplje**

#### **Član 1.**

Član 2. Odluke o utvrđivanju osnovnice za obračun plaća općinskih funkcionera, službenika i namještenika u službama općine Gornji Vakuf-Uskoplje («Službeni

glasnik općine Gornji Vakuf-Uskoplje», br.2/01) daljem tekstu: Odluka, mijenja se i glasi:

Osnovica za plaće funkcionera, službenika i namještenika općine Gornji Vakuf-Uskoplje sa 100,00 KM utvrđuje se u iznosu od 80,00 KM.

#### **Član 2.**

Član 3. Odluke mijenja se i glasi:

Ova Odluka primjenjivat će se za isplatu plaća za januar, februar i mart 2002.godine.

#### **Član 3.**

Ova Odluka stupa na snagu danom dobivanja saglasnosti od Vlade Srednjobosanskog kantona , a ima se objaviti u «Službenom glasniku općine Gornji Vakuf-Uskoplje».

Broj:01-05-107/02

Datum,30.05.2002.god.

PREDSJEDAVALA  
PRIJELAZNOG OPĆINSKOG VIJEĆA  
Nikola Milić,s.r.

.....  
**65.** Na osnovu člana 69. Zakona o premjeru i katastru nekretnina ("Sl. list SRBiH " br. 22/84) i člana 111 Statuta općine Gornji Vakuf – Uskoplje,("Sl. glasnik općine Gornji Vakuf-Uskoplje" br. 1/01) Prijelazno općinsko vijeće općine Gornji Vakuf – Uskoplje, na svojoj 5. sjednici, održanoj dana 30.05.2002. godine ,donosi:

### RJEŠENJE

#### **o imenovanju Komisije za izlaganje podataka o nekretninama i utvrđivanju prava na nekretninama za katastarske općine Uzričje i Bojska**

#### I

Ovim rješenjem imenuje se Komisija za izlaganje podataka o nekretninama i utvrđivanju prava na nekretninama za područje katastarskih općina Uzričje i Bojska.

#### II

U Komisiju imenuju se :

1. Senada Čatić ,dipl. prav. - predsjednik
2. Zlatko Zeko,dipl. prav. - zamjenik predsjednika
3. Avdo Avdagić , - član
4. Goran Lepoša, - član
5. Ruža Pilić, - zamjenik člana
6. Namik Karamustafić, - zamjenik člana
7. Stipo Zeko, - član
8. Adil Hindić, - član
9. Mehrid Duvnjak, - član
- 10.Stipo Živko, - član

#### III

Komisija će u skladu sa odredbama Zakona o premjeru i katastru nekretnina i Pravilnika o izlaganju na javni uvid podataka o nekretninama i utvrđivanju prava na

nekretninama izložiti na javni uvid i utvrditi prava na nekretninama za katastarske općine Uzričje i Bojska.

#### IV

Prije izlaganja Komisija će u skladu sa odredbama Pravilnika pribaviti svu dokumentaciju potrebnu za vođenje postupka i prezentiranje podataka.

#### V

Komisija će oglasom odrediti mjesto i vrijeme početka izlaganja na javni uvid i utvrđivanje prava na nekretnina.

#### VI

Na osnovu činjenica utvrđenih u postupku izlaganje podataka Komisija donosi rješenje.

Troškovi rada Komisije izdvajaju se iz sredstava za uspostavu katastra nekretnina područja općine Gornji Vakuf – Uskoplje.

#### VII

Po završetku izlaganja podataka, prijemu i ovjeri radova i elaborata prezentiranog od strane Federalne uprave za geodetske i imovinsko pravne poslove Komisija će u skladu sa članom 82. Pravilnika zapisnički predati elaborat izlaganja.

#### VIII

Za osiguranje potrebnih uslova za rad Komisije zadužuje se Općinski načelnik.

#### IX

Ovo Rješenje stupa na snagu danom objave u "Službenom glasniku općine Gornji Vakuf – Uskoplje".

Broj:01-05-132/02  
Datum, 30.05.2002.godine

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

.....  
**66.** Na osnovu člana 5. Zakona o finansiranju premjera i uspostavljanju katastra nekretnina i rješavanje imovinsko pravnih odnosa koji su u funkciji uspostavljanja katastra nekretnina ("Sl. list SRBiH" br. 36/90 i 14/91), i člana 38. tačka 2. Statuta općine Gornji Vakuf – Uskoplje, ("Sl. glasnik općine Gornji Vakuf- Uskoplje " br. 1/01), Općinsko vijeće na 5.sjednici održanoj dana 30.05.2002.godine, d o n o s i

### **O D L U K U**

**u učešću posjednika i vlasnika nekretnina u finansiranju izrade katastra nekretnina područja općine**

#### **Član 1.**

Ovom odlukom utvrđuju se uslovi i način učešća posjednika i vlasnika nekretnina u finansiranju poslova uspostavljanja i izrade katastra nekretnina na području općine Gornji Vakuf – Uskoplje.

### **Član 2.**

Vlasnici, odnosno posjednici nekretnina ( fizička i pravna lica ) za izvršenje poslova i izrade katastra nekretnina u smislu ove odluke obavezni su plaćati izvršene usluge prema slijedećoj tarifi:

#### **Tarifni broj 1.**

do 10000 m <sup>2</sup> plaća se	30,00 KM
od 10000 do 30000 m <sup>2</sup> plaća se	40,00 KM
od 30000 do 40000 m <sup>2</sup> plaća se	50,00 KM
preko 40000 m <sup>2</sup> plaća se	60,00 KM

#### **Tarifni broj 2.**

Za poslovne objekte svih vrsta djelatnosti kao i poslovne objekte i objekte u etažnoj svojini plaća svaki vlasnik za izradu tlocrta

do 30 m <sup>2</sup> objekta ili etaže	30,00 KM
od 30 do 100 m <sup>2</sup>	50,00 KM
preko 100 m <sup>2</sup> pa dalje	100,00 KM

#### **Tarifni broj 3.**

Za sve spiskove prigovora po kojima je postupljeno i po kojima se donosi rješenje plaća se 100,00 KM.

### **Član 3.**

Od ove obaveze plaćanja naknade iz člana 2. oslobađaju se korisnici socijalne pomoći.

### **Član 4.**

Naknada po ovoj Odluci uplaćuje se prilikom uručjenja rješenja u utvrđenim pravima na nekretninama na licu mjesta na uplatnicu na račun općine.

### **Član 5.**

Sredstva po ovoj Odluci koristiće se za funkcionisanje uspostave i izrade katastra nekretnina .

### **Član 6.**

Ova Odluka stupa na snagu danom donošenja i objaviti će u Službenom glasniku općine Gornji Vakuf – Uskoplje.

Broj:01-05-133/02  
Datum,30.05.2002.god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

.....  
**67.** Na osnovu člana 38. tačka 2. Statuta općine Gornji Vakuf-Uskoplje i člana 23. Poslovnika o radu Prijelaznog općinskog vijeća Gornji Vakuf – Uskoplje (" Sl. glasnik općine Gornji Vakuf – Uskoplje " br. 1/01 ), Prijelazno općinsko vijeće na svojoj 5. sjednici održanoj dana 30.05.2002. godine, donijelo je;

## O D L U K U

### o utvrđivanju visine naknade za članove Izborne komisije općine Gornji Vakuf – Uskoplje

#### I

Za Predsjednika i članove Izborne komisije utvrđuje se mjesečna naknada u paušalnom iznosu od :

- Za predsjednika Izborne komisije  
.....150,00 KM
- Za člana Izborne komisije  
.....100,00 KM

#### II

Sredstva iz tačke I ove Odluke isplatit će se iz Budžeta općine Gornji Vakuf.

#### III

Ova Odluka primjenjuje se za period od dana imenovanja Izborne komisije do 31.12.2002.godine.

#### IV

Ova Odluka stupa na snagu osmog dana od dana objavljivanja u " Sl. glasniku općine Gornji Vakuf – Uskoplje ".

Broj:01-05-97/02  
Datum,30.05.2002.god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

.....  
**68.** Na osnovu člana 111. stav 3. Statuta općine Gornji Vakuf – Uskoplje ( " Sl. glasnik općine Gornji Vakuf – Uskoplje ", br. 1/01 ) i člana 30. Poslovnika o radu Prijelaznog općinskog vijeća Gornji Vakuf – Uskoplje ( " Sl. glasnik općine Gornji Vakuf – Uskoplje " br. 1/01 ) Prijelazno općinsko vijeće na svojoj 5. sjednici održanoj dana 30.05.2002. godine, donijelo je :

### Z A K L J U Č A K

#### o Izvještaju o radu Općinskog suda za prekršaje Gornji Vakuf-Uskoplje za 2001.godinu

1. Usvaja se Izvještaj o radu Općinskog suda za prekršaje Gornji Vakuf – Uskoplje za 2001.godinu , broj SU-288/01 od 10.1.2002.godine.
2. Zaključak stupa na snagu danom objavljivanja u " Sl. glasniku općine Gornji Vakuf – Uskoplje ".

Broj: 01-05-98/02  
Datum, 30.05. 2002. god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

.....

**69.** Na osnovu člana 111. stav 3. Statuta općine Gornji Vakuf – Uskoplje ( " Sl. glasnik općine Gornji Vakuf – Uskoplje ", br. 1/01 ) i člana 30. Poslovnika o radu Prijelaznog općinskog vijeća Gornji Vakuf – Uskoplje ( " Sl. glasnik općine Gornji Vakuf – Uskoplje " br. 1/01 ) Prijelazno općinsko vijeće na svojoj 5. sjednici održanoj dana 30.05.2002. godine, donijelo je :

### Z A K L J U Č A K

#### o Izvještaju o radu Crvenog križa Gornji Vakuf-Uskoplje za 2001.godinu

1. Usvaja se Izvještaj o radu Crvenog križa Gornji Vakuf – Uskoplje za 2001.godinu , broj 01-168/01 od 4.03.2002.godine.
2. Zaključak stupa na snagu danom objavljivanja u " Sl. glasniku općine Gornji Vakuf – Uskoplje ".

Broj: 01-05-99/02  
Datum, 30.05. 2002. god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

.....

**70.** Na osnovu člana 111. stav 3. Statuta općine Gornji Vakuf – Uskoplje ( " Sl. glasnik općine Gornji Vakuf – Uskoplje ", br. 1/01 ) i člana 30. Poslovnika o radu Prijelaznog općinskog vijeća Gornji Vakuf – Uskoplje ( " Sl. glasnik općine Gornji Vakuf – Uskoplje " br. 1/01 ) Prijelazno općinsko vijeće na svojoj 5. sjednici održanoj dana 30.05.2002. godine, donijelo je :

### Z A K L J U Č A K

#### o odlaganju rasprave o dijelu dnevnog reda sa 5. sjednice na 6. sjednicu Prijelaznog općinskog vijeća Gornji Vakuf-Uskoplje

1. Odlaze se rasprava po tačkama 7,9,11,12,13,14,15,16,17,18,19,20,21,22,23 za 6. sjednicu Prijelaznog općinskog vijeća Gornji Vakuf – Uskoplje .
2. Zaključak stupa na snagu danom objavljivanja u " Službenom glasniku općine Gornji Vakuf – Uskoplje ".

Broj: 01-05-134/02  
Datum, 30.05. 2002. god.

PREDSJEDAVAJUĆI  
PRIJELAZNOG OPĆINSKOG VIJEĆA  
Nikola Milić,s.r.

.....

**SADRŽAJ :****Str.**

58. Odluka o ratifikaciji Sporazuma o ujedinjenju Komunalnih djelatnosti u Gornjem Vakufu – Uskoplju.....	59
59. Sporazum o ujedinjenju komunalnih djelatnosti u Gornjem Vakufu – Uskoplju.....	59
60. Odluka o osnivanju JKP " Vrbas" Gornji Vakuf – Uskoplje.....	60
61. Rješenje o imenovanju Upravnog odbora JKP " Vrbas " Gornji Vakuf – Uskoplje.....	62
62. Rješenje o imenovanju VD direktora JKP " Vrbas" Gornji Vakuf – Uskoplje.....	62
63. Zaključak o Informaciji o izvršenju Budžeta općine Gornji Vakuf – Uskoplje za period 1.3 2002.godine .....	63
64. Odluka o izmjenama i dopunama Odluke o utvrđivanju općinskih funkcionera, službenika i namještenika u Službama općine Gornji Vakuf – Uskoplje.....	63
65. Rješenje o imenovanju Komisije za izlaganje podataka o nekretninama i utvrđivanju prava na nekretnine za Katastarske općine Uzričje i Bojska.....	63
66. Odluka o učešću posjednika i vlasnika nekretnina u finansiranju izrade Katastra nekretnina područja općine.....	64
67. Odluka o utvrđivanju visine naknade za članove Izborne komisije općine Gornji Vakuf – Uskoplje .....	64
68. Zaključak o Izvještaju o radu Općinskog suda za prekršaje Gornji Vakuf – Uskoplje za 2001.godinu .....	65
69. Zaključak o Izvještaju o radu Crvenog križa Gornji Vakuf Uskoplje za 2001. godinu.....	65
70. Zaključak o odlaganju rasprave o djelu dnevnog reda sa 5. sjednice na 6. sjednicu POV-a.....	65



